

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22 i 7/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 25. sjednici održanoj 26.04.2024. godine, donijela je

**Autentično tumačenje člana 71. stav (1) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo
(„Službene novine Kantona Sarajevo“, broj: 24/22, 40/22 i 7/24)**

„Član 71.

(1) Radniku čije je mjesto stanovanja od mjesta rada udaljeno najmanje dva kilometra, pripada pravo na novčanu naknadu za prijevoz na posao i sa posla u visini cijene jedne mjesečne karte gradskog ili prigradskog ili međugradskog saobraćaja bez obzira koliko prevoznih sredstava radnik koristi.“

Dio citirane odredbe člana 71. stav (1) Kolektivnog ugovora „u visini cijene jedne mjesečne karte“ znači da poslodavac u ustanovi u situaciji postojanja dvije različite cijene mjesečne karte gradskog ili prigradskog ili međugradskog saobraćaja ima obavezu da radniku isplati naknadu za prijevoz na posao i sa posla koja će omogućiti radniku nesmetan dolazak na posao i odlazak sa posla pri čemu je poslodavac obavezan postupati s pažnjom dobrog domaćina.

Odluka o autentičnom tumačenju člana 71. stav (1) Kolektivnog ugovora je donesena na 25. sjednici Komisije održanoj 26.04.2024. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Edina Pašić, predstavnik Poslodavca

Saudin Sivro, predstavnik Sindikata

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**
n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22 i 7/24 - u daljem tekstu: Kolektivni ugovor) obratio se Sindikat, kao jedna od ugovornih strana, a vezano za zahtjev Kantonalnog inspektora rada, Dženana Hujića, akt Inspektorata rada, zaštite na radu i socijalne zaštite broj: UP-1-14-09-30-04518/24-14/09-003 od 25.03.2024. godine koji se odnosi na tumačenje člana 71. Kolektivnog ugovora u dijelu utvrđivanja prava radnika na naknadu za prijevoz na posao i sa posla u situaciji postojanja dvije različite cijene mjesečne karte (inspeksijski nadzor u JU OŠ „Musa Ćazim Ćatić“ Sarajevo, cijena karte prevoznika Centrotans d.d. Sarajevo i cijena karte prevoznika Transturist d.d. Tuzla).

U vezi s navedenim, obavještavamo Vas da je Komisija na 25. sjednici održanoj 26.04.2024. godine, donijela autentično tumačenje člana 71. stav (1) Kolektivnog ugovora, koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**